



ЛЕНИНЭНЬ КИЯВА

ВЛКСМ-нь Мордовской обкомонть ды Саранск ошонь комитетэнь газетаст

1941 ие
ФЕВРАЛЕНЬ
12-це чи
17 (1313) №ЛИСИ: 11-це ие,
12 № ковс

Экономиянтъ ды бережливостентъ кис

Чиде-чис келейгады минек масторсонтъ экономиянтъ ды бережливостентъ кис производствасо туремась. Яла од ды од тыща комсомолецт включаются те государственной пек покш важностень мероприятиянтень.

Ф. Э. Дзержинский лемсэ Сталинградской транспортной заводонь комсомолецтнень инициативась, кода содатано, макссь уш пек вадря результатт. Заводсонть по-хозяйски кармасть расходовамо электро-энергиянтъ, бензинэнтъ, смазочной оентъ, металлонтъ, эрва кодат вспомогательной материалтнень. Аволь полной даннойтнень коряс лиси, што Сталинградской предприятияне комсомолецтнень починэст кувалт колмоце пель ковс сэкономили 8.379 тонна металл, 6.280 тонна уштома пель, зяря миллион целковой лангс эрва кодамо сырьё ды материалт. Ды те весе парочись таштазв сень эйстэ, мезесь ваяясь пильге ало, забор экшэс ды мезентъ лангс икеле кодамоак мель явозь арасель.

Аволь умок Мосэнерго нолдась Московонь эриятнень обращения, косо сон ловизе, што бути миллион квартиратнестэ эрвась вишкalgавтсь эсензэ лампатнень мощностентъ аняк 25 ваттс, то те вансты 25.000 киловатт мощность ды максь тенеж возможность добавочно эрва чистэ нолдамс 300.000 метра ситец или 800.000 пара карсемпель.

Экономиянтъ кис бороцямэ эрви ютавтомс Мордовиянть оштаневаяк, железнодорожной станциятнева, районной центратнева, велетнева.

Секс, што Саранск ошонь эриятнестэ кой-китъ расточительски ютавтыть электроэнергиянтъ, сеетсьтэ колавкшны Саранской типографиянтъ нормальной роботазо. Эрситъ переробить роботасо энергиянтъ асатомадонтъ Саранской промышленной лия предприятияневаяк.

Истя жо ашти тевесь районной центратнестэ. Саемсдеряй строительной участконтень, промартельтнень, МТС-тнень, то тесэак муят аволь экономной, аволь радиовй отношенянтъ зяряя примерт.

3-це № стройконтрань строительной площадкасонтъ кирпичтнень автомашинатнестэ чамлитъ община савордозь. Тень эйстэ ламо кирпичь тапсевитъ ды тевс а молитъ. Подъездной китне сеетсьтэ эрситъ ваязь ловсо. Машинатне буксовитъ, бензинэсь юты стьяко. Эскть ды лесатнень туртов ласт ютавтитъ плансо проектировазьтнеде ламо.

Саранской хлебокомбинатсонть икелень шкатнестэ каштомс кшинь кайсицясь койме лангсто прыця чапаксонтъ яла ёртыль пильге алов, уголс, квашнянтъ перька община эрсилъ сантиметрань сарьсэ почтонтъ пудь, мезень кувалт ко-

возонзо ёмсекшниль зяряя пондт кши. Кочегартнэ пенгтнень пудтыть лиясто овси лезвтеме.

Швейпромонь мастерскойтненьгак ламо улитъ возможность экономиянтъ ютавтоманть туртов. Особой ролесь те тевсэнтъ пракшны закройщикентъ лангс. Ловинк седе арсезеь материалонь кадовикс сантиметратнень, конат ёртневить кройкадонтъ мейле, ды тынь чарькодсьнк, зяря можна сэкономить ковозонзо, иезэнзэ.

Экономиянтъ кис ды расточительностентъ каршо движениянтъ эрви келейстэ ютавтомс аволь аняк промышленностэнтъ, но велень хозяйствасоак. Колхозтнэва, совхозтнэва, МТС-тнэва руководителенень, инициативной комсомолецтнень ули мезес путомс кедь!

Передовой од ломатне невтизь тень фактсэ. Примеркс, Чамзинской МТС-нь трактористэс Ф. В. Пятайки комсомолецэс мелят «ХТЗ» тракторсо роботамсто сэкономил сезононь перть 1837 килограмм горючей. Тень пингстэ сокамонь планонзо топавтызе 227,7 процентс.

Покш значениязо истя жо колхозсо коромонь экономиянтъ. Ней жо сеетсьтэ эрси истя, што коромонть расходоить нормавтомо ды эрситъ салсематкак. Примеркс, Чамзинской райононь Б.-Маресевской Пушкин лемсэ колхозонь конюхоьс Логинов аволь вестъ неезель коромонь саламсто, но колхозонь председателесь Кузнецова ялгась тенень проявляет исключительной хладнокровия. Истя жо расхищають коромонть Кочкуровской райононь Тавла велень «17 партсезд» колхозсонтькак.

Нама истят фактне корс а кирдевицят. Решительна эрви бороцямс расточительтнень ды общественной, колхозной собственности салсицянтень каршо.

Социалистической государственанть туртов экономиянтъ ды бережливостентъ покш значенияст ловозь, Мордовиясо васенцекс выступили неть мероприятиянтень ютавтомо 3-це № стройконтрань ды Саранской хлебокомбинатонь комсомолецтнэ. Эрви, штобу сынст инициативанть поддержали Мордовиянть весе комсомолецтнэ. Экономиянтъ кис, расточительностентъ каршо решительной бороцямэ эрви ветямс эрва косо, эрва тевсэ. Тень эйсэ минь ванстатано государственной ламо парочи, средстват, лездатано сенень, штобу минек масторось кармаволь улеме седеяк сюнав, еще седеяк виев ды еще седеяк бойкасто молевель икелев, коммунизмань од победатнень.



ВКП(б)-нь Мордовской обкомонь васенце секретаресь В. П. Петушков ялгась—зарегистрированной СССР-нь Верховной Советсэ Национальностнень Советсэ депутаткс кандидатокс Саранской избирательной 422 избирательной округканть. Фотось Г. Барановонь.

В. П. Петушков ялганть вастомазо избирательтнень марто

Саранскоень хлебокомбинатонь клубось пешкедсь ломанде. Январень 30-це чистэ тесэ хлебокомбинатонь рабочейтне, служащейтне ды инженерно-технической роботниктне выдвинули СССР-нь Верховной Советсэ Национальностнень Советсэ депутаткс кандидатокс Саранской избирательной 422 округканть Василий Павлович Петушков ялганть.

Национальностнень Советс кочкамонь коряс Саранской избирательной округонь промышленной предприятиянтесэ, учрежденийнтесэ, колхозтнэсэ, совхозтнэсэ, МТС-тнэсэ, училищатнэсэ, школатнэсэ ды институтнэсэ—эрва косо избирательтне покш мельсэ поддерживали ВКП(б)-нь Мордовской обкомонь васенце секретарентъ—Петушков ялганть кандидатуранзо.

Февралень 9-це чистэнтъ читъ 2 чассто избирательной 9-це участкань избирательтне хлебокомбинатонь клубсонть вастсь эсест кандидатонтъ—Василий Павлович Петушков ялганть марто.

Избирательтнень собраниясонть выступил Петушков ялгась. Сон ёвтась хлебокомбинатонь рабочейтнень блгодарность се честентъ ды довериянтъ кис, конань сынь оказали сонензэ—выдвинули Национальностнень Советс депутаткс кандидатокс.

Седе тов Петушков ялгась тердинзе собраниянть участниктнень сенень, штобу партиянтъ XVIII-це конференциянтъ вастомс производственной од успехсэ, седеяк келейгавтомс социалистической соревнованянтъ, теомс производствасо образцовой дисциплина ды порядок.

Избирательтнень пельде кортасть Ларионова, Егорова, Масляницкий ялганте ды лият.

— Петушков ялгась—Мордовиясо роботамонь шкастонть эсь пряно невтизе кеме большевикекс, Мордовской республиканть процветаниянзо кис решительнойстэ бороцицяк,—мерсь Ларионова ялгась.—Сон—советской народонтъ верной цёра, Национальностнень Советс депутатокс достойной кандидат.

— Февралень 23-це чистэнтъ,—корты Егорова ялгась,—минь весе сатано избирательной участкв ды максынек эсь вайгеленек Василий Павлович Петушков ялганть кис.

Саранск ошонь партийной организациянтъ пельде выступил ВКП(б)-нь горкомонь секретаресь Савостьянов ялгась. Сон избирательтнень тердсь сенень, штобу февралень 23-це чистэнтъ весеменень модемс избирательной участкв ды максомс эсь вайгельтнень Петушков ялганть кис.

Оборудованиянтъ ды материалтнень лияв миемаст, полавтомаст ды нолдамо а меремадонть ды неть аволь законной действиянтень кис судонь коряс ответственностентъ

СССР-нь Верховной Советэнь Президиумось нолдась Указ оборудованиянтъ ды материалтнень лияв миемаст, полавтомаст ды нолдамо а меремадонть ды неть аволь законной действиянтень кис судонь коряс ответственностентъ.

Социалистической хозяйствань интереснэ, ёвтазь Указсонть, вешить предприятиянтесэ весе уликс «лишней», неиспользуемой оборудованиянтъ ды материалтнень точной учёт ды плановой перераспределения.

Но промышленностентъ ды транспортонть зяряя предприятиянтесэ ули оборудованиянтъ ды материалтнень разбазаривания, сынст миемантъ ды лия предприятиянтень марто полавтоманть вельде. Се шкастонть, кода государствась нолдтни предприятиянтенень определенной цельтнень туртов оборудованья ды материалт, предприятиянть руководителтьне эсь олясост ды аволь законна распоряжаются сынст эйсэ, микшнить, полавтнить ды нолдыть лияв.

Сень ловозь, што кода мерить демонстрируемой ды лишней оборудованиянтъ миемась, кода невтни опытэсь, тевсэ ашти аволь лиякс мезекс, но социалистической собственности замаскированной расхищениякс, СССР-нь Верховной Советэнь Президиумось запретил предприятиянтенень лияв оборудованьянть ды лишнойкс, неиспользованнойкс кадовозь материалонь микшнеманть, полавтнеманть ды нолдтнеманть.

Лишнойкс ды апак использована аштия оборудованьянтъ ды материалтнень лияв микшнемась, полавтомась, нолдамось, ды истя жо сынст аволь законной приобретениясь,—аштитъ преступлениякс, кона ловови социалистической собственности расхищениянтъ кондымокс, мезентъ кис ломатне, конат чумот неть преступлениянтесэ, кармить макне-веме судс ды судонь приговоронть коряс,—пекстневеме тюрьмас 2 иестэ 5 иень сроке.

Предприятиянтесэ уликс весе лишней оборудованьясь, ды истяжо материалтнэ, конат кармасть улеме лишнойкс ды аштитъ апак использова, подлежат специальной учётс ды перераспределениясь се порядоконтъ коряс, конань аравтнемс СССР-нь Народной Комиссартнэнь Советэсь.

(ТАСС).

СТРОЖАЙШЕЙ ЭКОНОМИЯНТЬ КИС,
РАСТОЧИТЕЛЬНОСТЕНТЬ КАРШО

САРАНСКОЙ СТРОЙКОНТОРАНЬ ДЫ ХЛЕБОКОМБИНАТОНЬ КОМСОМОЛЕТНЭНЬ УШОДКСОСТ

Сталинградской тракторной
заводонь комсомолетнэнь
инициативаст коряс

7-це № строймонтажонь трес-
тэнь 3-це № стройкасонть ком-
сомолетнэ кепедеть вадря ини-
циатива стройматериалонь эко-
номиянть ды строямонь деш-
валгавтоманть кувалт.

Комсомольской собрания-
сонть, кона ютавтозель неть
читнестэ, комсомолетнэ тар-
гизь лангс строительстваонь
асатыкстэнь ды ваннэнь,
кодат эрявить ютавтоме тев-
сэнь полавтовкст.

Строительствань главной ме-
ханикесь Куликов ялгась эсь
докладсонзо тешкстась, што те
шкас стройкасонть кияк паро
ладсо эзь арсе седе, штобу
экономна ютавтоме
стройматериалонть ды деш-
валгавтомс строямонть. Строи-
тельствасонть кирпечтнэнь кан-
тлеть нилеце этажос носилка
лангсо, секе шкасонть жо
транспортёртнэ (подъемной ма-
шинатне) аштить истяк. Што-
бу шаштомс таркастонзо шу-
катурной ящикенть, эряви
кундаме эйзэнэ подручноен-
тенгак, мастерантенгак. Те-
медеряй ящикенть кавто пи-
ленэ алов валик, ящикесь
карми тулкадеме подруч-
никентень мастеранть эсь робо-
тастонзо апак сыржавтне. Истя
жо можна тачкасо модань уск-
семанть полавтомс транспортёр-
со роботасонть.

Докладчикесь невтизе, што
те стройкасонть подъездной
китне а маштовить автомаши-
нанень ютнемс. Машинатне бук-
совить, ютавтыть ламо горючей
материал. Ведеськак Саранской
условиянэсэ эрси дефицитной.
А стройкасонть ведеть а ван-
стыть. Нормадонть ламо расхо-
довакшныть эстнеяк, чувтонь
сооружениянэнь лэстняк.
Электроэнергияськак юты кой-
коско зря.

— Можна ли обойтись седе ала-
мо напряжениянь электролам-
почкасо? — кевкстни меельс пел-
ев докладчикесь, ды тияко от-
вечи: — Да, можна.

— Нама можна! — кемекстыть
ответэнь кунсолыцятне.

Карбаев комсомолетсэ эсь
выступлениясонзо тешкстась
ламо асатыкст стройматери-
алонь ванстомасонть ды инстру-
ментонь ремонтнэвасонть.

— Ремонтировано, — корты
сон, — пандтано ярмакт, а меха-
низматне кирдить анык недляс-
кавтос. Нать те ремонт?

Комсомолетнэ сайсть обяза-
тельства маласо читнестэ про-
верямс строительной участка-
нева механизматнэнь ды подь-
ездной китнэнь состояниаст,
решасть саемс контроль стаха-
новской приспособлениянэнь
теве ладямонть лангсо.

Комсомольской комитетанть
ходатайстванзо коряс Управле-
ниянь начальникесь тейсь спе-
циальной комиссия строймате-
риалонь экономиянть ды строи-
тельствань дешовалгавтоманть
кувалт мероприятиянь ютав-
томанть туртов. Комиссияс со-
васть сех вадря комсомолетнэ-
нь ды инженерно-технической
работниктне.

Февраль ковстонть те вопро-
сонть кувалт карми улеме
ютавтозь строительной робо-
чейтнэнь конференция.

Туремс эрва «мелоченть»
кис

Саранск ошонь Хлебокомби-
натось нолдазь продуктань ас-
сортиментанть ды качества-
нь кувалма ашти Союзсонть ва-
сень таркасо. Плановой пром-
накоплениясь касы иде-исс,
мешкотаранть коряс убыткане
эрва ковне яла седеяк аламол-
гадыть.

Примерке, промнакоплениянь
планонть хлебокомбинатось
велькска топавтызе 370,8 про-
цента. Бути 1939 иень декабрь
ковстонть мешкотарань коряс
убыткане ульнестэ 25.000
целковойс пачкодемс, то те
иестэнь козовонзо убыткась
пачколи 1.500 целковойде ала-
мос. Но васов аволь весе воз-
можностне хлебокомбинатонть
теве ютавтозь расходнэнь кир-
тямосонть. А санитарно-гиги-
енической условиянэнь коряс
арсемс эряви тенст пек седе
ламо.

Партийной комитетань сек-
ретаресь Карева ялгась февра-
лень 6-це чистэ ютавтозь комсо-
мольской собраниясонть невтсь
продукциянэнь, уштомапелен-
тень ды спецдеждантень аволь
радивойстэ отношениядонть ла-
мо яркой примерт. Кунь неть
примертнэ хлебокомбинатонть
частной случайть, но сынт
значенияст покшт.

Лиясто робочеесь ойсь вад-
невезь кеденэ наждамо па-
циянь таркас нартнесынзе спе-
цовказонзо. Вансак кавто нед-
лянь ютазь те робочеентень
эрявкшны од спецовка, таш-
тось а маштови. Прындеряй
каштомс кшнэнь озавтыцянь
койменэ лангсто чапаксось,
так сон а пурнасы, каясы ве-
ёнов, пуль поте.

Или истямо пример: кшнэ-
нень вагонеткасо усомсто пры-
кияксо буханка, — ускыцась а
арсезевияк кепедманзо. Сон
ловсы седе парокс — мерькамс
буханканть чары алов. Или
каштомс кшнэнь озавтыцясь
лиясто максы распоряжения
качегаронтень сыртемс каш-
томтнэнь 300 градусос. Се-
пулы пенгтнэнь мезевий, а
чапаксось еще аволь анок. Ли-
сни, пенгтне палыть стяко.

— Миненек весе неть нея-
вить мелочекс, — мерсь комсо-
мольской комитетань секретар-
есь Егоров ялгась эсь выс-
туплениясонзо. — Но алкуксонь
тевсэ — неть ярмакт. Родина-
нь патриотнэ не могут тенъ а
саемс расчетс.

Комсомолетнэ вейке-вейке
мельга сайсть эсест лангс обя-
зательстваст улемс примернойкс
эсь цехтнесэ.

Комсомолонь общей собра-
ниясь шнызе 3 № стройконт-
рань комсомолетнэнь Мордо-
виясо инициативанть ды тейсть
решения — седе курук вклю-
читься сырянэ экономиянть,
уштомапеленть, электроэнер-
гиянть, санитариянть кис ды
браконть каршо туремантень.

К. Демин.

„МОНЕНЬ А ЮТКО... МОН СЧЕТОВОД“

Антоновка велень колхозонь
комсомолетнэ оказали И. Г. Ва-
силькин ялганть покш до-
верия. 1940 иень сентябрынь
3-це чистэ сонзэ кочкизь ком-
соргокс. Кеметь лангзонзо,
што сон парсте аравтсь ком-
сомольской организациянть ро-
ботанзо. Но Васькин ялгась
моли секе жо кияванть, ко-
нань эзга мольтэ сонзэ пред-
шественниктне.

Комсомольской организациясь
пурнавсь 1938 иестэ. Весе те
шканть перть сон работась пек
беряньстэ. Малав колмо иень
перть ВЛКСМ-нь рядтнэс одс
примазельтэ анык 3 од лодать.
Комсомолетнэ сезевезельтэ
аволь союзной од лодатнэнь
эйтэ. А ветильтэ юткост мас-
сово-разъяснительной, культур-
но-воспитательной работа.

Эзь лиякстомо теветсь нейгак —
Васькин ялганть пингстэ.
Комсоргокс улемань шканть
перть сон кавксть анык пур-
накшнось комсомольской со-
браният, роботамонь плант ара-
сельтэ, арасть нейгак. Вейке-
як комсомолетнэнь эзь ульнэ
максозь кодамоак поручения.

Колхозной производствань
передовиктне од лодатне А. Г.
Ломшин, Н. Е. Хохлов ды Г. И.
Кузнецов ялгатне максеть за-
явленият комсомолс совамо-
до. Ды сынт заявлениятне 1940
иень декабрынь 20-це чистэ
саезь те шкас аштить апа-
к ванкшно.

Комсомольской хозяйстванть
Васькин ялгась кирди без-
образной состояниасо, колхоз-
ной правлениянть теветнэнь ют-
ко шкапс. Зярдэ мезеяк эря-

ви муемс, то соненэ эстензаяк
мезеяк а муеви комсомольской
тевтнэнь ютксо.

Зярдэ кевкстнить Васькин-
нэнь: мекс арась кодамоак ро-
бота, мекс а эрсит комсомоль-
ской собраният? — сон кортни:
«монень а ютко ютавтнемс со-
браният... Мон — счетовод». Се-
де тов сон алтни: вана курук
теян план, кармить улеме со-
бранияткак, бути февральстэ
мезеяк а лиси, сестэ мартето
ютавтано собраният сразу кол-
мо ковонь кис...»

Истя те од бюрократось «оп-
равдывает» тензэ оказанной
довериянть.

А. Яковлев.

Дубенской р-н.

Якстере Армиянь XXIII-це годовщианть
лемсэ лыжной комсомольской кроссо

Мезе марто минь сынек кроссонть

Окойники сась те кувать
учозь чись — Якстере Армиянь
XXIII-це годовщианть лемсэ
лыжной комсомольской крос-
сонть ушодовомань чись.

Минек училищань комсомо-
летнэ покш мельс лисеть эсь
выносливостест, физической за-
калкаст невтеме, вечкевикс
эсь родинанть ванстоно анок-
чист невтеме.

Прянь апак шна можна ме-
ремс, што те чинть минь вас-
тынек аволь берянь показат-
ель марто. Кроссонть эйсэ
участиянэнь нолдазь 127 ком-
сомолетнэстэ 100 лодань ус-
пешна максызь ГТО-нь значо-
контэ лангс телень норматнэнь.
Сынт эйтэ ламот, кода
В. Нюфтин, Макаров, Д. Батов,
И. Смолькин, Березин, А. Мы-
син ды лият — кроссонть
анокстамонть перть сокссо
ютасть 150—220 километра.

Тейтертнэнь эйтэ сех паро
результат невтеть лыжной

спортонть коряс Р. Карева,
Л. Бояркина, Н. Панфилова,
Сысуева ды лият комсомолка-
не. Сынь примасть участия
городской лыжной соревнова-
ниянэсэ 'ды занизь васенце
таркатнэнь.

Якстере Армиянь XXIII-це
годовщианть лемсэ лыжной
комсомольской кроссонть эйсэ
участиянэнь минь анокстынек
ГТО-нь II-це ступенень знач-
кистэнь 4 командат, ГТО-нь
I-це ступенень значкистэнь 17
команда ды пешеходной 4
командат.

Неть успехтнэнь добовамо-
сонть ламо савсь роботамс
физкультурной бюронть
(председателесь Смолькин ял-
гась) ды физкультурань коряс
преподавательтнэненъ — Мысин
ды Артемьев ялгатнэненъ.

В. Гаваев,

ВЛКСМ-нь Саранской пе-
дучилищань комитетань секре-
тарь.

Васень тарканть саизе Тамилин ялгась

Дружнасто, моро марто сыть
Саранскоень лесопарконтень —
сборной пунктонтень — Саранск
ошонь лыжниктне.

Кроссо ушодовсь! И фельд-
шерско-акушерской школань
жизнерадостной, закаленной ды
смелой 45 лыжник группиро-
васть ветень-ветень лодань.
Судейской пунктонтень регист-
рировазь, лыжниктне капшазь
сыргасть дистанциянть ютамо.
Тейтерень колмо командатне
тусть колмо километра, цё-
раньсетне — 10 километра
дистанцияс.

Тейтертнэстэ васенце путе-
канть судьянэнь максызе
Юматова комсомолкась. Сон
максозь расстояниянть ютызе
19 м. 33 сек. Мельганзо састь
Васильева ды Кузнецова. Сынт

шкаст — 20 м. 11 сек ды 20 м.
32 сек.

Отличной результат невтеть
пятёркань командиресь Нико-
лай Тамилин комсомолетсэ,
кона 10 км. ютызе 52 м. 26 сек.,
Жигунов — 53 м. 24 сек., Че-
вергов — 55 м. 56 сек., И. Та-
милин — 56 м. 34 сек.

Ошонь весе командатнэстэ
васенце тарканть занизе Тами-
лин ялганть командась. Сон
максозь дистанциянть ютызе
56 м. 09 секундас.

Неть результатнэнь невтема-
сонть пек лездась основате-
льной тренировкась. Тамилин я-
лганть командазо ютасть 200 ла-
мо километра тренировочной
минимум кроссонть анокста-
монть перть.

А. Кудашкин.



Саранск ошонь 1-це № средней школань комсомолетнэ
февральень 9-це чистэ организованнойстэ састь ипподромов
кроссо участиянть примамос.

Фотось А. Кочинэнь.

Парсте анокстамс ды ютавтомс эйкакштнень военно-физкультурной соревнованиятнень

Н. ЧУБУКОВА,
ВЛКСМ-нь Мордовской
обкомонь секретарь.



Ленинско-Сталинской комсомолонь уставось кармавты ВЛКСМ-нь весе члентнень кеместэ ды эрва чистэ воспитывать од ломатнень улемс аноккс икелепелень бойтнень.

Максомс од ломатнень военной знаният, воспитывать сынт родинант беспредельной вечкемань духсо ды сонзэ врагтнень ненавистень духсо. Воспитывать физически развитой, отважной ды выносливой боецт. Анокстамс Якстере Армиянтень виев, смелой ды опытной боецт, — весе те ашти почетной задачке комсомольской эрва организацият туртов ды, васняк, школьной комсомольской организациятнень туртов.

Важнейшей те задачка а топавтови, бути серьезно а кармакс заниматься военно-физкультурной роботасонть. Эрви а стувтнем Ленинэнь указанинзо седе, што «серьезной войнанть туртов усиленной военной подготовкэ веши аволь порыв, аволь клич, аволь боевой лозунг, но массовой масштабсо кувать шкань напряженной, упорнейшей ды дисциплинированной робота».

ВЛКСМ-нь ЦК-нь VIII-це ды IX-це пленумтне тейсть специальной решениат, конат комсомольской организациятнень ды, васняк, школьной организациятнень кармавтыть виензамс оборонно-физкультурной роботанть.

Тосо, косо чарькодезь неть решениатне, комсомольской организациятне возглавили военно-физкультурной роботанть ды сынт улить уш а берянь результатот.

Всесоюзной военно-физкультурной соревнованиятне, конат ютавтовить колмопедэ, аштить истямо формакс, конаньстэ сех парсте неяви, кода аравтозь военно-физкультурной роботась школасо те или тона комсомольской организациятнень, школьниктнень ды пионертнень ютксо.

Ды эрви меремс, што Мордовиянь зарья школат парсте

анокстыть соревнованиятнень, сын неть соревнованиятнень ловить аволь кодамоак шкань кампаниякс, но школасо военно-физкультурной роботанть виензамонь средствакс. Истямокс аштить Ковылкинской районсо Кочелавской школась, Саранской районсо Атемарской школась, Саранск ошсо 1-це № школась, Инсарской районсо Кр.Шадымской школась, Рузаевка ошсо 38-це № школась, Дубенской районсо Чеберчинской школась ды лият.

Кодек ансяк марясть пионертнень ды школьниктнень Всесоюзной военно-физкультурной колмоце соревнованиятнеде, Кочелавской средней школань тонавтиятне ды пионертнэ сеске жо кундасть тевс. Сын явшесть группава соревнованиян видтнень коряс. Муевесть руководитель. Ушодовсь систематической ды увлекательной тренировка. Кочелавской средней школань тонавтиятне ды пионертнэ пек вечксызь военно-физкультурной роботанть. Сын активно участвовали Всесоюзной химической VII-це соревнованиятнесэ. Парсте ютавтызь «На штурм» военной налксеманть, ней анокстыть «Разведчики» военно-тактической налксеманть.

Истя жо ашти тевесь Саранск ошонь 1-це № школасонтькак. Тосо тонавтиятне ды пионертнэ кеместэ анокстыть соревнованиятнень, систематически тренируются. Соревнованиян башка видтнень коряс руководстванть таргазь Осоавиахимень, медицинской роботникть, комсомольской виить.

Но еще аволь весе комсомольской организациятне чарькодизь ды топавтыть ВЛКСМ-нь ЦК-нь VIII-це ды IX-це пленумтнень решениат. Кой-косо комсомольской организациятне спокойна ваньты школасо военно-физкультурной роботанть берянь состоянианзо лангс.

Дубенской средней школасонть соревнованиятнень анокстамонть коряс теезь ансяк се, што теезь командат. Командатнесэ руководитель аравть ды тень кис кияк а мелявты. Тренировка а эрсит. Судейской коллегия арась. Комсомольской организациян секретаресэ Тарасова ялгась ды школань директоросэ Гагаркин ялгась (сон жо налксемань коряс штабонь начальник) кодак мерат эзть прима, штобу парсте аравтомс соревнованиятнень анокстамонть.

Соревнованиятнень анокстамос лавшосто моли Темниковской школасонтькак. Директоросэ Воеводин ялгась, учительтне ды комсомольской организациясэ ловить, што военно-физкультурной воспитаниась — те ансяк военкруконть тев. Ды истят арсемат улить лия школатневаяк. Те — овси а виде. Эйкакштнень военно-физкультурной воспитаниась, соревнованиятнень анокстамос — весе школьной роботниктнень почетной тев.

Школьниктнень ды пионертнень военно-физкультурной соревнованиятне ушодовить февралень 23-це чистанть. Комсомолетнэ ды учительтвасэ должны путомс весе виест сень, штобу успешно ютавтомс соревнованиятнень.

Охватить весе пионертнень ды школьниктнень соревнованиятнесэ участиясонть, виензамс ды вадрылгавтомс тренировкакнень качестванть.

Те важнейшей тевентень серьезной подходось лезды успешно ютавтомс соревнованиятнень ды те карми улемс еще вейке эськельскэкс сеть задачатнень топавтомасонть, конат аштить школанть ды школьной комсомольской организациятнень икеле эйкакштнень ютксо военно-физкультурной роботань ветианть коряс.



Вадра кияктомс сокссо пухляня ловонть ланга.
Фотоэюдось Ю. Володинэнь.

ШКОЛАСО АНТИРЕЛИГИОЗНОЙ ВОСПИТАНИЯСЬ

Цакся Тавлань неполной средней школань тонавтиятнень ютксо сеестэ ютавтевить лекцият, беседат ды вечерт антирелигиозной пропаганданть коряс.

Биологиян коряс преподавателесэ И. И. Князькин ялгась тейнесэ лекцият «Наука и религия о происхождении жизни на земле», крещениядонть ды лия тема лангс. Неть лекциятнень кунсолосо сакшность аволь ансяк тонавтият, но сынт тетят-аваткак.

Школоса антирелигиозной воспитанианть парсте аравтомасэ пек лезды тонавтиятнень посещаемостень ды успеваемостень кепедеманть.

Б. Платонов.

Кочкуровской район.

Птицекомбинатонть успехезэ

XVIII-це партконференциянт лемсэ социалистической соревнованиянть келейстэ аравтозь, Саранской птицекомбинатонь рабочейтнень коллективесэ добовас покш успех эсензэ роботасонзо. 1941 иень васене кварталонь программанть комбинатосэ февралень 1-це чис топавтызе 100 процентс.

Январской планосэ топавтозэ 224,8 процентс.

СЕРМА ВЕЙКЕ ШКОЛАСО

„ДОБРОДУШИЯНЬ“ СЛЕДТНЭ...

Урокс звонконт мейле ютасть уш 15 минута. Коридорга молема марявить ансяк преподавателень или жо сынт кевкстнемас лангс отечица тонавтиятнень вайтельть. Класстнесэ молесть занятият.

Друк панжовсь школань кенкшесь, ды коридоронтень пулякс ливтиять 4—5 пёрынеть школьной сумка марто, сынс прок ловов нешть. Вейкенъ натош пинжак ожазояк сезезь. Сын кармасть вейкест-вейкест тулкаме, пижнеме ды вешкеме. Те шалтось глушинзе классто марявица вайгельтнень.

Но те еще а весе. Дисциплинань колычатне овси эзть мелявто сень кис, што сын эрва чистэ поздакшныть урокс ды тейнить эрва кодат

«фокуст». 32

— Панжик, панжик кенкшенть, иля пеле, мезек а теить, ёрт тов ловсо, — тонавтесть Дергунов Колян Казаков ды Прокин тонавтиятне.

Истя сын вейке классонь кенкшенть ноцкадсызь, рангстыть а мазый валсо, омбоце кенкшенть трокс классо аштицатнень невить кель или теить еще кодамоак «фокуст».

Истя сын тейнить уроковтнень прыдовомазонзо. Мейле совить классос ды истяжо беряньстэ вить прят уроксоак. Сех тонавтиятнень сын пек беряньстэ. Вана, примеркс, Прокин, Чаиркин, Казаков (5-це класс) малав весе предметнень коряс полчить ансяк берянь отметкат. Г. Корчагин, В. Осипов,

Л. Куприянов (7-це «А» класс) омбоце четвертень прыдызь 2—3 берянь отметка марто.

«Мекс жо те истя лисни?» — кевкстине минь классной руководителень В. С. Акимов яланть.

Сонзэ ответэ чарькодеви, што Б.Ремезенской неполной средней школасонть вообще тонавтиятнень берянь дисциплинаст ды успеваемостест. Те толковаи сеньсэ, што тесэ весе школьной роботасэ нолдазь самотекс. Пионерской организациясэ (старшей пионервожатоеэс Архипова) ды комсомольской организациясэ (секретаресэ Ратникова ялгась) овси а борошть школасо пародисциплинанть ды успеваемостень кис. Сын кадызь овси стувтозэ тевекс социалистической соревнованиянть, паро тонавтиятнень те основной стимулонть. Истяжо пек беряньстэ роботы стенгазетаськак (от-

вет. редакторосэ В. Т. Шишов ялгась).

Но сехте покш чумозо школань директоронть Шайкин яланть. Сон ёмавтынзе единоначалиянь весе праватнень кода преподавательтнень, истяжо тонавтиятнень икеле.

Сех ламо преподавательтне уроконь ветямонть башка кодамоак внешкольной воспитаниа а ветить тонавтиятнень ютксо. Школосонть систематически а роботы вейкеак кружок.

Кода ней Шайкин ялгась смеи сынт, учительтнень, парсте роботома кармавтомс? Сын еще могут сонзэ лангс кезиявтомс!

«Добродушной» директоросэ «а смеи» дезорганизатортнень каршоак валонь ёвтамо. Бути кияк преподавательтнестэ вети директоронтень дисциплинань колычат, то сон сестэяк

мик марто а корты истя, кода бу эрваволь. Сон кевкстни:

— Кода истя тон, Коля, ловсо ёртнить классонть куншакс? Или: «Мейс тон, Боря, обижат вишка ялагатнень?» Тон, Боренька, аволь берянят цёрась, ды кеман, што тон седе тов истя а кармат тейнеме...

А кенерить директоронь кабинетстэнь лисеме, вишка хулигантнэ сеске жо теить а паро тев: или киньгак судотапить, или вальма порксыть. Сын содасызь, што директоросэ тетяст-аваст а кармавтысь сынт кис отвечамо, сынткак а мурнесынзе. Ды косто сынт тетятнень-аватнень директоросэ нейсынзе? Ведь сон кудозост а моли, а родительской собраниян зардоак а эрсит.

Ю. Васильева.

Чамзинской р-н.

ЮНКРОНЬ СЕРМАТ

Клубось пекстазь, ловнома кудосонть робота арась

Дубенской район. Ардатов велесэ ульнесь вадра клуб. Ютась иень сёксия жо сонзэ пекстызь. Колхозонь правленись сонзэ теизе зернохранилищакс.

Ули ловнома кудо. Ансяк кодамоак культурно-массовой воспитательной робота тосо арась. Арась художественной литературак. Избачось кортнесь районной библиотекакн заведующеент Парфенова ялганть марто, штобу полтневель тосто книгат. Парфенова ялгась кунсолдомак натой эзь карма.

П. Вачаев.

Интересной лекция

Январень 30-це чистэнт Чамзинской районной парткабинетсэнт партийно-комсомольской активент туртов ульнесь теезь лекция: «Происхождение жизни на земле» темань коряс.

Ламо интересной факт ёвтнесь тенё кувалт лекторось Чамзинской средней школань преподаватель С. Н. Волгин ялгась.

И. Симдянов.

Мекс а роботы комсомольской организациясь?

Н. Ичалковской колхозной комсомольской организациясонт 6 комсомолец. Сынет ютксо арась кодамоак дисциплина. Буянова комсомолкась сисемне ков а панды членской взност. Сонсь комсоргось Верендякин ялгась пурнызе лия комсомолецтнень пельде членской взностнень 1941 иень декабрь ковонт кис ды те шкас кирди эсензэ кедьсэ.

Вейкеак комсомолец а тонавтн «ВКП(б)-нь историянь краткой курсонт». Аволь союзной од ломатнень ютксо культурно-массовой, воспитательной робота а ветить. Вейке комсомолец ульнесь клубонь заведующеек, сеньгак каизь, секс што сон мекскак а тейнил. Комсомолецтнень ютксо военно-физкультурной робота арась.

Комсоргось весткакэз тейне роботамонь план. Вейкеак комсомолецтнень арасель максозь кодамоак поручения.

М. Винтина.

Ичалковской р-н.


Од ломатне молить икеле

Покш Маризь велень Пушкин лемсэ колхозось соревнуется «12 Октябрь» колхозонт марто. Колхозниктне пек покш мельсэ бороцить социалистической эсест обязательстват тонавтомас кис, вадрасто анокстыть тунда видементень.

Сех пек парете тонавтыть обязательстват комсомолцтнэ ды од ломатне. Сынь ВКП(б)-нь XVIII-це Всесоюзной конференциянт вастыть производственной од успехсэ.

П. Букин.

Чамзинской район.



Советской Союзонь оштнева Рига ошсо Западной Двинань набережнось. Фотось Д. Черновонь (ТАСС).

Лермонтовской вечер

Чамзинской средней школань литературной кружоконь члентнень инициативаст коряс аволь умок ютавтозель лермонтовской вечер, косо яволятозель конкурс великой поэтанть произведенийнзо сех парете ловноманть коряс.

Конкурсонт примасть участия 15 тонавтниця.

Кунсолыцтнень лангс пек виев впечатления тейсь Надя Свечкина (10-це «А» класс). Сон покш художественной мас-

теретва марто ловнось отрывка «Мцыри» поэмаонт.

Истя жо вадрасто ловнось В. Фокин, В. Соклетина, Г. Фокина, В. Лаврешина ды А. Каторкина.

8 сех вадра чтецтнэ выделенной районной литературной вечерэв, кона карми улеме ютавтозь тундонь каникултнень шкастонть.

И. Симдянов.

Чамзинской район.

Юнкор-плагиат

Н. А. Василькин эри Дубенской районсо. Сёрмал Повадимова велестэ, Ленин лемсэ колхозонт. Тонавтни секе жо велен неполной средней школань 7-це классо.

Получакшны, бульчом, «Ленинэнь киява» газета. Ней, што тосо эрсит печатазь Мордовиянь эрва кодамо районсто юнкоронь сёрмат, заметкат. Ды марсесь, што газетас печатазь материалонт кисэ пандыть гонораргак.

Сонгак арсесь сразу получамс эстензэ юнкоронь лем ды слава, теке марто жо—гонораргак. Вейд меньгак стака сень эйсэ арась, бути газетан икелень номертнэ списать кодаткак заметкат, полавтомс ансяк веленть или колхозонь элементь, бути улит—фамилитненьгак. Путоме мейле тенё конвертс, сёрмадомс редакциянт адресэнзэ ды кучомс корреспонденциянт.

Сень таркас, штобу серьёзна роботамс заметканть лангс, пурнамс факт, примерт, теке заметканть видестэ, сёрмадомс эсь валсо, эсь стильсэ, — Василькин кармасть тейнеме безответственной тевт. Сон списывал икеле печатазь заметкат путылинзе эсь веленть, колхозонт лемест ды седе апак арсе, што сынст колхозонт или комсомольской организациясонт тевесэ аволь истя ашти, — кучилинзе неть «труднэнь» редакцияв. Вана меельсэ кавто примерт.

Январень 17-це чистэ «Ленинэнь киява» газетань 6-це (1302) номерсэнт омбоце страницасо печатазель И. Липатов юнкоронт заметказо Антоновка велесэ Молотов лемсэ колхозной комсомольской организациядонт — «Валт ламо, тев арась». Теде мейле 19 чинь ютазь саизе секе номерэнт

Василькин лжеюнкорось, озась столь эписэ ды кармасть строчить. Педе пев, васень валсонт сазь, меельсэ точканть видсь списал секе жо заметканть ды кучизе таго «Ленинэнь киява» газетань редакциянтень.

«Валт ламо, тев арась» заметкасонт сёрмадозель: «Антоновка велесэ Молотов ялганть лемсэ колхозонь комсомолецтнэ пек вечксызь ламонь кортамонт. Эсест собраниятнесэак ды эрва косо макснить обещаният, сайнить обязательстват, сёрмалить решеният, ансяк а неавить сынст тевест».

Истямо жо лемсэ заметка кучсь Василькингак. Ды тосто ловнотано: «Повадимова велесэ Ленин лемсэ колхозонь комсомолецтнэ пек вечксызь ламонь кортнеманть. Эсест собраниятнесэак ды эрва косо макснить обещаният, сайнить обязательстват, сёрмалить решеният, ансяк а неавить сынст тевест...» ды истя седе товгак.

Ютасть еще зяро-бути чить. Василькин таго тенек кучсь заметка «Колхозниктнень соревнованият». Минек газетасонт январень 25-це чистэ, васенце страницасонт, печатазель заметка «Кавто колхозонь соревнованият». Оказываетсь, Василькин таго жо педепев списал теке жо заметканть.

Юнкоронь лемсэ—покш лем. Юнкоронь роботась—почетной, ответственной, серьёзной. Сон вешти инициатива, настойчивость, правдивость. Василькин жо кармасть маньшмере редакциянт, салсеме лиянь заметкат ды тенёсэ самай а видестэ неветемс эсь колхозос, комсомольской организациясо положенианть. Те—аволь честной тев. Виське истя тейнемс! Василькинэнь кондйтнэнь арась тарка юнкоронь радтнэсэ.

ГРАНИЦАНЬ ТОМБАЛЕ

Европасо ды Африкасо войнась

(Февралень 9-це ды 10-це читнестэ военной действитнень дневник)

Северной Африкасо английской войскактнень операцияст биевгальт Бенгазинть эйстэ юг ёно. Англичантнень передовой отрядтнэ саизь чугунканть кинь аволь покш пунктонт Эль—Агеиланть, Бенгазинть эйстэ 175 милян таркасо юг ёно.

Февралень 9-це ды 10-це читнестэ мольтэ военной действият Эритреясо, Абиссиниясо ды Итальянской Сомалисэ. Англичантнэ одс ушодызь эсест атакаст Керен ошонь секторсонт.

Английской сообщениянтнень коряс, итальянецтнэ кучсь подкрепленият те районсонт войскактнень.

Абиссиниясо важной административной центронт—Гондаронт ёнов англичантнэ молить седе састо секс, што тосо пек ламо минат, конатнень итальянецтнэ аравтнизь английской войскактнень молемань кистланга. Абиссинской фронтонь южной участкасонт английской частне саизь Эль—Обок фортонт.

Албаниясо меельсэ кавто читнестэ ушодовсть активной военной действият центральной фронтонт. Тепелене ошонь районсонт греческой войскактне отбили итальянецтнень контрнаступленият ды аламо до шаштеть икелев.

«Нью-Йорк таймс» американской газетанть сообщенианзо коряс, албанской портнэс яла сыть итальянской подкрепленият. Ловить, што неень шкастонть Албаниясо улит

300 тышад ламо итальянской войскакт.

Газетась истяжо сёрмады, што англичантнэ уксить Грецияв пек ламо военной материалт ды грузовикт. Английской самолётонь 8 эскадрильятнесэ, конат неень шкастонть аштит Грециясо, улит современной самолётонь весе типтне. Греческой летчиктне, невтн газетась, тонавтит Египетсэ.

Германской бомбардировщиктне февралень 9-це чистэ атакывизь английской суднань караванонт, кона ульнесь Португалиянт эйстэ запад ёно ды ваявтсь жарья пароходт. Февралень 10-це чинь каршо вестэнт германской бомбардировщиктне бомбардировать Лондонсо ды Юго-Восточной Англиясо военной отношенияонт важной объект.

Меельсэ ниле читнень перть Мальтанть лангс (Средиземной морясو английской военно-морской база) ульнесь теезь 20 воздушной налёт. Февралень 10-це чинь каршо вестэнт Мальтанть лангс налётось мольтсэ сехте кувать те островонт лангс теде икелень весе налётнэнь коряс.

Английской самолётнэ февралень 9-це чистэ атакывизь Норвегиянь Южной побережьянт маласо противникень грузовой пароходтнень караванонт. Февралень 10-це чинь валске английской авиациясь бомбардировинзе Северо-Западной Германиянь территориясонт военной объектнэ.

(ТАСС).

ЧЕРЧИЛЛЕНЬ РЕЧЕЗЭ

Кода пачти Рейтер агентствась, февралень 9-це чистэ Англиянь премьер-министрась Черчилль выступил радио велде речь марто, конаньсэ кортась меельсэ вете ковтнень перть войнань итогтнеде.

Черчилль тешкстызе, што меельсэ 4—5 ковтнень перть жарья ёнкстнэс Англиянт тевензэ молить седе вадрасто, чем можна ульнесь учомс. Германиянтень эзь удаля ютавомс тевс Англияв вторжениянт се отпордонт мейле, конань августсто ды сентябрюто английской истребительтне тизь германской авиациянтень.

Албаниясо греческой войскактнень успехест тешкстазь, Черчилль подробно кортась Ливиясо ды лия африканской

районтнэсэ английской войскактнень операциядонт. Сон тешкстызе, што Ливиясо весе итальянской восточной армиясь, конаньсэ лововсть 150 тышад ламо ломань, сазь пленс или истожазь. Киренаиканть саизь англичантнэ, ды ней Египетсэ ды Суэцкой каналось аштить безопасностьсэ.

Седе тов Черчилль кортась сеть опасностнеде, конат грозить Англиянтень. Минь можем улемс увереннойкс, мерсь сон, што войнась курок пачкоди пек седе напряженной фазас. Черчилль валонзо коряс, германской армиянь ды авиациянь ламо вийть пурназь Европань юго-востоксонт.

(ТАСС).

Англиянт ды Румыниянт ютксо дипломатической отношениянтнень сеземадонт Рейтер агентстванть сообщениязо

Рейтер агентствась пачти, што английской правительствась решизе тердемс мекев Бухарестсэ эсензэ посланникент. Февралень 10-це чистэ

английской посланникесэ макссь румынской правительстванть нота ды вешинзе эсензэ паспортнэнь.

(ТАСС).

Ответственной редакторось А. ЩЕГЛОВ.